

فتاوى 01 الشيخ فريد الأنصاري irasnAla diraF

فريد الأنصاري

إذا تعينت لا يجوز لأحد أن يخرجها عن الجهة التي تعينت فيها. بحال الحبوس. إلى واحد حبس واحد الأرض حبسها فسبيل الله أو قال هاد الأرض هادي أنا حبستها على فلان أو ولادو. را ما عندكش الحق شي واحد آخر يجي لتما. من الفقراء أو المساكين لا علاش -

00:00:00

لأن الحبوس محدد. ويراعى قصد المحبس. فإذا أنا عطيتك كلفتك بهاد الحوايج أو هاد الفلوس سير ادبيها لفانة ووليداتها ونتي ديتيها للجمعية وديك الجمعية داوها لمرا خرا. هذا عمل سيء. فعلا. هاد الأخت هادي غفر الله لناها كتحمّل - 00:00:20
المسؤولية ديال هاد الغلط هادا ولذلك زعما إلى قدرة قادرة باش تكفر على هاد المشكل وهو انه تمشي لهاديك المرا اللي كان خصها تعطيها داكشي وتعوض لها تعوض لها لأنه يعني اللحظة باش خصك تفهمي مزيان اشنو وقع في الشرع هادي هبة -

00:00:40

وصدقة بحال بحال في المعنى بحال بحال هو ما مختلفين يعني من حيث القصد ولكن في النتيجة يعني الشرعية بحالنا لما نقول أنا مع راسي بأن هاد الفلوس راني عطيتهم لفلان. وخبرت شي واحد حدايا. عرفتو شنو وقع؟ هاد الفلوس هادو ولاو فملكو. هداك فلان ولاو ف - 00:01:00

ملكو ملكو وكيورتو حيث إلى مات الورثة دياهم يورتو ولاو فملكو أنا لي عطيتهم ليهم مباقيش عندي الحق نعاود نتصرف فيهم أنا أنا مولاهم لي عطيتهم لو لأن خرجوا من الملكية دياهم مبقاوش دياولي إلى متسجلت عند الناس راه تسجلت عند الله لأن هاد الفلوس مبقاوش دياولي وراه ولاو دياول فلان ولاو دياول فلانة - 00:01:20
فإذا ديك المرا راهي مولات هداك الرزق. ماشي واحد آخر. تعطاو لجهة أخرى راه يعني هاديك الدولة رزقها داوها رزقها هاديك المرا فخصو يرجع ليها ادا باقي ممكن دابا يرجع ليها خصو يرجع. ما بقاش ممكن يرجع خصو يتعوض. لأن بحالا ديتو لها دياها خصكم تعاودو تخلصوها فيه - 00:01:40

مع هادشي دياول الخير والإحسان عنداك وما يوقعش فيه التلاعب يوقع فيه التخريب والإجتهاد الخاوي معندكمش الحق إذا تعيننا عا منقولك أودي هادو عطيوهم اليتامي هاد الفلوس عطيوهم اليتامي وديك الساعة نتي تخيري اليتامي لي بغيتي - 00:02:00
أنا ما حددت لكش اليتامي. أما إلى قلت لك هادو ديهم لليتامي لي في الموضع الفلاني اولاد الفلانة اولاد فلانة. صافي. ما باقيش عندك الحق تحويلهم أما نقولك اليتامي وكان ايوا اليتامي راه فالعالم كامل فيه اليتامي نتي يمكن لك تعطيه هنا ولا لهادي ولا لهادي كاع اللي عندها اليتامي ويلا قلت لك عاود اليتامي ماشي تديهم لشي وحدة - 00:02:20

مريضة لا لأن أنا قلت اليتامي خصهم يمشيو لليتامي وخا وحدة مريضة كتموت ما تعطيهما لهاش لأن أنا حددت الجهة هاديك لي مريضة يجيب لها الله ويدبروا لها الناس واجب على المسلمين نتعاونوا معها باش يحاولوا ينقدوها إلى كتب الله. أما هادوك الفلوس اللي خرجوا اليتامي خاصهم يمشيو لليتامي. لأن - 00:02:40

الجهة التي وهبت أو تصدقت حددت. ويلا وقع التحديد ما بقى كلام. وما بقاش اجتهد. الاجتهاد مع النص. يعني على سبيل القياس هادي كتسول واش يمكن لها تختم القرآن الكريم مع الجماعة؟ هادي يعني القراءة الجماعية للقرآن الكريم. ما كايئة في العالم إلا في المغرب - 00:03:00

وهي لي بغا ياخذها بالوجه دياها الحسن. إنما استعملها المغاربة للتعليم. هي دارت للتعليم تعلم الناس القراءة هذا الأصل لي

مكيعرفوش يقرأوا القرآن. كيجلسو مع الفقيه ويبداو يقرأو جماعة باش كيتعلمو. ففرق بين قصد التعلم وقصد التعبد - [00:03:20](#)
فرجل او مرا كييعرف يقرأ القرآن الكريم اذا بغا يعبد الله فعلا ويشعر بالحلاوة ديال العبادة يقرأ بوحده يقرأ بوحده لكن الى مكيعرفش
وبಾಗಿ يتعلم راه لا بأس. ميكونش بنادم متشنج ومتشدد. او معندو فقه راه الفهم ديال الدين هكا داير. خصو - [00:03:40](#)

يعني لأن الوسائل هدا كيتعتابر دابا داك الحزب كيتعتابر من الوسائل التعليمية ماشي التعبدية. فمن دخله بقصد التعلم فلا بأس به
شحال من واحد كان امي ما كييعرف يقرأ والو وكيجلس مع الناس في الحزب. وتطلق لسانو سبحان الله العظيم بالقرآن الكريم. ماشي
تقولو الحزب حرام وفيه وسير قريه - [00:04:00](#)

هذا ماشي جاي فقط للعبادة جاي تعلم فإذا نفرقو بين الأمرين اذا كانت هاد المرأة ما عندهاش قدرة لتلاوة القرآن تخطئ تلحن ما فيها
باس تجلس مع الجماعة وتبع بودنها. وتحاول اليوم وغدا تحرك لسانها باش تضبط الأداء ديالها - [00:04:20](#)
وعندنا شحال من واحد كيقرأ واحد الحرف مقلوب في القرآن مكيعرفش يقرأ مزيان. او واحد يعني جملة او كلمة مييعرفش يخرجها
مزيان. فإذا كان حالها ان تجلس في المسجد ساعة قراءة القرآن الكريم الجماعي وتنصت الى ذلك وتتابع ايضا بلسانها بقصد التعلم
حتى اذا تم - [00:04:40](#)

كانت من قراءة كتاب الله على احسن ما يكون ديك الساعة تخلص الى ربها بنفسها وتقرأ القرآن مع مولاها اللي خلقها وهو افضل شي
واحد او وحدة رهنه بجوج د المليون كتسولو واش تزكي به على ديك جوج د المليون اتزكي. تزكي لأنه سلف وخا راه كاين داك
التعويض لا التعويض ماشي زكا - [00:05:00](#)

عود كيتسمى ربا هداك التعويض حرام. لي هو السكن بمعنى انه الى نتا جوج د المليون عطيتها. يعني مول مول جوج مليون هو لي
كيزكي ماشي قابضها ماشي لي قابضها لأن لي قابطها هو مول الدار. لا لي ساكن كاري هو غير كاري. هو عايطي جوج دلمليون. ولكن
معاطيهاش مني - [00:05:20](#)

يعني هي ديال السلف لأن نهار تبغي تخرج غادي تشدها خصك تزكي عليها. وخا كتعطي واحد التعويض بسيط لمول الدار. هداك
التعويض ديال الكدوب. كيقلو كيحل ما عمر الحرام ما كيتحلل ديم الحرام حرام. فهداك التعويض ما داخلشاي نهائيا في الزكاة ما
يتحسبش - [00:05:40](#)

وهاديك جوج د المليون خصها تزكي كل سنة خمسة خمسة الاف ريال في المليون يعني عندك جوج د المليون عندك عشر الاف ريال
في العام. عشر الاف ريال في العام خاصك تخرجها - [00:06:00](#)

واللي ما خرجها في الدنيا يخرجها من زهرو في الآخرة نطلبو الله السلامة والعافية. هادي امرأة جاهلة وعليها ان تنقطع عن هذا
الفعل بتاتا يعني كاين بعض المصائب حقيقة هي مصائب في المجتمع. آآ كبيرة. نسال الله العافية. شي وحدة كتخاف من السحر -
[00:06:10](#)

وتخاف من تخطي بعض الأشياء. قال لك تأخذ البول اعزكم الله وترشه. هذا فعل الشيطان. هذا هذا اكثر من السحور هذا. يعني
النجاسة صافي ما لقي بنادم يخدم غي بالنجاسة هداك هو اللي يجيب الشيطان هاد الفعل هو اللي يجيب لك الشياطين ويجيب لك
الجن توصل لدارك يسكنوا معاك - [00:06:30](#)

ويباتو معاك وينعسو معاك. باش يطرد الإنسان السحر ويطرد الشياطين تعرفو اش خصو يدير. خصو ينظف ينقي. لأن الشياطين ما
مع الطهارة. اش هاد الميزان المقلوب؟ النبي صلى الله عليه وسلم قال لك الوضوء سلاح المؤمن. حيث تكوني موضية راكي -
[00:06:50](#)

فحصنا عندك الواقي لباس الدرع الواقي من الرصاص. النصارى لابسة داك الحديد واخا يضربوا ملي تكوني موضية حالا راك لابسة
داك الحديد لي مكيدخلش فيها الرزاز. علاش؟ الطهارة كاين الوسخ حداك - [00:07:10](#)

الشياطين حداك. ايوا هذا الميزان المقلوب خايقة من السحر هي كتجيب السحر. وهذا من اعمال السحرة وهاد الخدمة من اعمال
السحرة. مع الاسف تجاه المصيبة مصيبة كبرى. يعني شي مرا عندها شي عائلة على حساب ما فهمت كتأديها وما قادراش تصل الرحم

ديالها رغم ان الله سيأمر بالرحم. لا - 00:07:30

واجب عليك الا تصبري لديك الرحيم وتمشي تصل الرحم دياالك. اذا كانت هاد العائلة عندها حق الرحيم. لأن العائلة اللي الرحم هي اولو الأرحام اولو الأرحام. يعني اختك خالتك عمتك - 00:07:50

القراة القريبة اللي معروفة. هادو راه واجب عليك تصلي الرحم دياالهم ويصلوا الرحم دياالك. كانوا عائلة بعيدة مزيان صدر رحم في الحدود الشرعية. الحدود الشرعية ما فيه غير الخير. انما اللي واجب وكيثاسب عليه الانسان يوم القيامة. هي العائلة اللي قريبة بزاف. اللي - 00:08:10

يعني يعني كيمكن لك الا رجال مثلا تشوفهم بلا حجاب. خوتك خوالك اعمامك هوما الى كانوا الرجال هما لي واجب عليهم الجنة ويدا كانوا النساء راكم مقادين. نتي تشوفهم هوما يشوفوك. خالتك عمتك وهكذا. فهادو وخا يظلموك وخا يظلموك - 00:08:30
ماشي غير كياديوك كايينين فوق الأذى كيظلموك كاع صبري ليهم. والحساب يوم القيامة كل واحد يتعامل على قد فهم. صبري ليهم اوصلي الرحم دياالك مرة في العام. ما غاديش دير لك شي حاجة د المرة في العام غير الشيطان كيوجب الوسواس. اما الانسان تكون سنوات ومنقطعة واحد العائلة ما كيشوفهومش. بل قصدهم العمل - 00:08:50

هذا والعياذ بالله يدخل في قوله جل وعلا ويقطعون ما امر الله به ان يوصل. نسأل الله العافية - 00:09:10